

Phil



59366

kat.komp.



Mag. St. Dr.

*Cyrylakowski Andr. Augustini: Quacoris metaphysica  
de aeternitate.*







IN NOMINE DOMINI, AMEN.

QVÆSTIO  
METAPHYSICA,  
DE

ÆTERNITATE,  
SUB

FELICISSIMIS AUSPICIIS,  
*Magnifici, Perillustri, & Reuerendissimi Domini,*

D.M. ALBERTI  
ŁANCVCCKI,

J. V. DOCTORIS, & PROFESSORIS,  
Ecclesiarum Cathedralis Crac: CANONICI,  
Collegiatæ SS. Omnium CANCELLARII,  
Pilecensis ARCHIDIACONI,

Contubernij DD. Iurisperitorum PROVISORIS.

S. R. M. SECRETARII,

Almæ Vniuersitatis Cracouiensis,

Generalis, & Vigilantissimi,

RECTORIS.



M. ANDREA AVGVSTINO CZYRZYCKOWIC,  
Philosophiæ Doctore, Collega Minore, Ecclesiæ Collegiatæ  
Sanctorum Omnium Cracouiæ CANONICO,

Pro Loco Maioris Collegij obtinendo,  
Publicæ Disputationi

PROPOSITA.

In Peraugusto DD. Theologorum Lectorio.

Anno Domini 1683. Die 30 Ianuarij. Horâ 15.

CRACOVIAE Typis VNIVERSITATIS.

g.g.



# Q V Æ S T I O

## METAPHYSICA,

### DE ÆTERNITATE.

**V** • Æternitas quæ est interminabilis vitæ tota simul, & perfecta possessio; cum ratione mensuræ; idq; Formalitèr Entis Increati; contineat Eminentèr omnem Durationem coexistendo omnibus Differentijs Temporum nec ne?

#### CONCLUSIO I.

Æternitas est interminabilis vitæ tota simul, & perfecta possessio.

#### COROLLARIA

- I. *Licet perfecta Æternitas habeat proprietatem stabilitatis, & Indeterminabilitatis, radix tamen, & fundamentum illius, Immutabilitas est.*
- II. *Æternitati semper præsens assistit, & Infinitatem Mobilis temporis præsentem habet.*
- III. *Ex simplicitate præsentie, decrescit infinita futuri, ac præteriti Quantitas, hoc ipso, quod nunquã esse desinat.*
- IV. *Simpliciter, & perfectè accipiendo Æternitatem, non est, nisi una; imperfectè autem, & secundum quid in quantum sunt multi participantes Æternitatem, ex ipsa sumi Boni contemplatione dicuntur multe Æternitates.*
- V. *Æternitas, ut consistit in sola participatione, hodiè maior est, quàm fuit ab initio.*

CON-



## CONCLUSIO II.

IN Æternitate per se, non est aliquid propriè mensurabile, tamen non potest negari, quin Æternitas habeat aliquam rationem mensuræ.

### COROLLARIA

- I. Ratio mensura, quam Æternitas includit, non est ratio mensura Formalis, sed virtualis.
- II. Nomina mensuræ sunt, Instans, Momentum, Morula, Tempus, & Ævum.
- III. Sunt quedam æterna, non in Æternitate, nec sunt ipsa Æternitas, ut est Motus, Tempus, & Mundus.
- IV. Infinitus Motus Rerum Temporalium si daretur, quantum potest imitatur statum Æternitatis, quem non potest Totaliter exprimere, propter perpetuam permanentiam.
- V. Impossibile est, quod res quæ est omnino secundum suum esse invariabilis possit tempore mensurari.

## CONCLUSIO III.

ÆTERNITAS secundum rationem suam Formalem, est Duratio Formalis Entis Increati, ita, ut ratio Formalis, quæ Ens Increatum durare dicatur sit Æternitas.

### COROLLARIA

- I. Æternitas Absolutè, & Independentè accepta, solo Enti Increato ex se competit, alijs verò per Communicationem.
- II. Æternitas Participata est mensura, Realitèr distincta, ab Æternitate Increati, & per Essentiam.
- III. Ex Duratione maiori, fere colligitur, maior perfectio rei.
- IV. Æternitas non est mensura propria Durationis Intelligentiarum.
- V. Duratio habet in se certam aliquam rationem Quantitatis, & ideo distinguitur à suis partibus s. Tempore, Ævo, & Æternitate.

CON-



## CONCLUSIO IV.

**Æ**Ternitas Eminenter continet omnem Durationem, coexistendo omnibus Differentijs Temporum.

### COROLLARIA

- I. Continere Eminenter Durationem, nihil aliud est, quam sine successione continere Vniuersam.
- II. Ratio Interminabilitatis, & Uniformitatis, non proprie declarat nobis, quanta sit Duratio Aternitatis in se, declarat tamen nobis, quanta sit, eâ ratione ut distinguitur à Duratione Existentiæ, per eam namq; cognoscimus Durationem Aternitatis, longè diuersam esse à Duratione omnium Creaturarum.
- III. Quântitas, & Modus Durationis, constituit aliam Durationem Permanentem, & Totam simul, & aliam Fluentem, quæ per se conuenit Durationi, eâ ratione ut est mensurabilis: Modus autem per accidens in quantum pertinet ad Durationem, quâ talis est.
- IV. Duratio alia est Infinita, qualis est Entis Increati, & alia omnino Finita, ut est rerum Generabilium, & Corruptibilium; alia partim Finita, & partim Infinita habes ininitium, & carēs fine, qualis est Angeli, & Animæ Rationalis.
- V. In qualibet Duratione Creaturæ reperitur Præteritum, & Futurum, Prius, & Posterius, in Aternitate autem est unicum Instans, excludens omnes Terminos.



Permissu Magnifici D. RECTORIS.





*[Faint, illegible handwriting in brown ink, possibly a signature or date, located near the bottom center of the page.]*



~~Quercus macrocarpa de americana.~~

~~Corymbocarpus chin. Aug.~~